

Omišanka u BiH osuđena na 15 godina zatvora: Nožem nasmrt izbola zaručnika

Pišer: M.L.

srijeda, 11.9.2013. 19:13

Tekst



LORELA ŠEBEK iz Omiša jučer je u Županijskom sudu u Novom Travniku osuđena na 15 godina zatvora jer je nožem ubila zaručnika Franju Lovrića u njegovoj kući u Donjoj Večeriski 24. studenog prošle godine, javlja dnevni-list.ba.

Predsjedateljica Sudskog vijeća, satkinja Suada Kahrić je, obrazlažući presudu, između ostalog rekla kako je Lorela nožem dužine 13 centimetara više puta ubola pokojnog Lovrića, nanijevši mu teške tjelesne ozljede. Kada god je Franjo uspio da se podigne, ona se vraćala i zadavala mu nove udarce nožem.

36-godišnji Franjo Lovrić, ranije umirovljen u Švicarskoj zbog bolesti, ostatak života mislio je provesti u rodnoj kući svog oca Joze. Nakon što je u Vitezu upoznao 21-godišnju konobaricu Lorelu Šebek iz Omiša i ponudio joj brak, lijepa Lorela je pristala biti s Franjom.

Lorela Šebek priznala je okrutno ubojstvo, a kada su je policajci s lisicama na rukama doveli u sudnicu, izjavila je kako nikada ne bi učinila nijedno kazneno djelo da je znala kako je u zatvoru.

MLADOJ OMIŠANKI 15 GODINA ZATVORA ZA UBOJSTVO ZARUČNIKA

Lorela Šebek (22) iz Omiša je 22. studenog prošle godine u mjestu Donja Večerska u Vitezu okrutno ubila Franju Lovrića (36). Izbola ga je 13 centimetara dugim nožem

Srijeda, 11. 9. 2013. u 20:00 Pise: Velimir Begić

Županijski sud u Novom Travniku osudio je u utorak na 15 godina zatvora Lorelu Šebek (22) iz Omiša za okrutno ubojstvo zaručnika Franje Lovrića (36).

Šebekova je proglašena krivom da je 22. studenog prošle godine u obiteljskoj kući Jose Lovrića u mjestu Donja Večerska u Vitezu ubila Franju Lovrića s kojim je živjela u izvanbračnoj zajednici.

Predsjedateljica Sudskog vijeća, sutkinja Suada Kahrić je, obrazlažući presudu, između ostalog rekla kako je Lorela nožem dužine 13 centimetara više puta ubola pokojnog Lovrića nanijevši mu teške tjelesne ozljede.

- Kada god je Franjo uspio da se podigne, ona se vraćala i zadavala mu nove udarce nožem nakon čega je i podlegao od ubodnih rana. Šebek je Lovrića ostavila bez pomoći i napustila kuću, a on je preminuo istog dana zbog velikog gubitka krvi - navodi se u presudi, a javlja **Dnevni list**.

Sestra ubijenog je zadovoljna presudom, majka umrla od tuge

Presudom je bila zadovoljna Franjina sestra Dragana koja se neće žaliti na prvostupanjsku presudu jer je smatra pravednom. Franjina majka Lucija Lovrić preminula je od žalosti 20 dana nakon ubojstva.

Podsjetimo, Franjo Lovrić, koji je umirovijen u Švicarskoj zbog bolesti, ostatak života mislio je provesti u rodnoj kući svoga oca Jose koji je također mirovinu zaradio u inozemstvu. U Vitezu je upoznao konobaricu Lorelu Šebek iz Omiša i ponudio joj brak. Lorela je pristala biti s Franjom, ali čini se samo zbog velike mirovine iz Švicarske.

Lorela: Ne bih ga ubila da sam znala kako je u zatvoru

Inače, Lorela Šebek je priznala ubojstvo, a kad su je policajci s lisicama na rukama doveli u sudnicu, rekla im je kako nikada ne bi učinila ni jedno kazneno djelo da je znala kako je u zatvoru. Nakon što je sutkinja izrekla presudu, Lorela je stavila obje ruke na

Novi travnik: Otvorenje Odjela za podršku svjedocima



Svečano otvaranje i zvanični početak rada Odjela za podršku svjedocima pri Kantonalnom sudu Novi Travnik i Kantonalnom tužilaštvu SBK bit će upriličeno danas u pomenutom sudu Novi Travnik.

Svečanosti otvaranja prisustvovat će predsjednica Kantonalnog suda Novi Travnik Katica Jozak-Mađar, predsjednik Visokog i tužilačkog vijeća BiH Milorad

Novković, ministar pravosuđa i uprave SBK Zoran Luković i šefica Sektora pravde i sigurnosti UNDP-a Amela Čosović-Medić.

U okviru projekta "Uvođenje usluga podrške žrtvama/svjedocima" UNDP BiH je do danas pomogao opremanje i uspostavljanje šest integriranih odjela za podršku svjedocima u kantonalnim/okružnim sudovima i tužilaštvima u Sarajevu, Banja Luci i Istočnom Sarajevu s ciljem da se žrtvama i svjedocima u krivičnim predmetima pruži podrška pri svjedočenju tokom istrage i sudskog postupka.

U saradnji s Visokim sudskim i tužilačkim vijećem BiH, te uz finansijsku podršku Vlade Sjedinjenih Američkih Država, UNDP radi na širenju mehanizama koji osiguravaju jednak tretman i pristup pri pružanju podrške i zaštite svjedocima/žrtvama u krivičnim predmetima na kantonalne sudove i tužilaštva u Unsko-sanskom i Srednjobosanskom kantonu.

Funkcioniranjem ovih ureda pravosudne institucije u BiH ispunjavaju jednu od ključnih preporuka Strukturalnog dijaloga u okviru procesa stabilizacije i pridruživanja po pitanju funkcioniranja pravosudnih institucija, procesuiranja predmeta ratnih zločina i mehanizama zaštite i podrške svjedocima, saopćeno je iz UNDP-a.

Novi travnik: Otvorenje Odjela za podršku svjedocima

Autor: Dragana Švabec

Izborak, 10.09.2013. 12:55



Ceremonija svečanog otvorenja i zvaničnog početka rada Odjela za podršku svjedocima pri Kantonalnom sudu Novi Travnik i Kantonalnom tužilaštvu SBK bit će upriličena sutra u novom travniku.

U okviru projekta „Uvođenje usluga podrške žrtvama i svjedocima“ UNDP BiH je do danas pomogao opremanje i uspostavljanje šest integriranih odjela za podršku svjedocima u kantonalnim/okružnim sudovima i tužilaštvima u Sarajevu, Banja Luci i Istočnom Sarajevu s obzirom da se žrtvama i svjedocima u krivičnim predmetima pruži podrška pri

svjedočenju tokom istrage i sudskog postupka (neposredno prije, za vrijeme i nakon sudskog postupka). Ceremonija će se održati **11. 09. 2013. godine (srijeda) u 11:20 sati u zgradi Kantonalnog suda Novi Travnik, Ulica Kralja Tvrtka bb, Novi Travnik, BiH.**

“Dnevni avaz”, 11.09.2013.g.

*„Dnevni avaz”,
11.09.2013.*

Ukratko



*Sud Novi Travnik: Svečano
otvorenje*

Novi Travnik

Zaštita svjedoka

► Svečano otvaranje i zvanični početak rada Odjela za podršku svjedocima pri Kantonalnom sudu Novi Travnik i Tužilaštvu SBK bit će upriličeno danas. U saradnji sa VSTV-om i finansijsku podršku vlade SAD-a, UNDP radi na širenju mehanizama koji osiguravaju jednak tretman podrške i zaštite svjedocima u krivičnim predmetima.

Željeznice FBiH

Presuda za ubistvo kod Viteza

Lorela Šebek osuđena na 15 godina zatvora

Vijeće Kantonalnog suda Novi Travnik, kojim je predsjedavala sutkinja Suađa Kahrić, proglasilo je Lorelu Šebek (22) iz Omiša, Republika Hrvatska, krivom za ubistvo Franje Lovrića te ju je nepravosnažno osudilo na zatvorsku kaznu od 15 godina.

Lorela Šebek (22) je 22. novembra oko 13 sati u porodičnoj kući Jozе Lovrića u selu Donja Večerska kod Viteza na okrutan način ubila Franju Lovrića (36), nanijevši mu više od 20 uboda po cijelom tijelu. Nesretni Lovrić, koji je sa Šebek živio u



Loreli Šebek produžen pritvor

vanbračnoj zajednici, preminuo je istog dana usljed iskrvavljenja. **K.K.**



Policija na mjestu obračuna u Novoj Biloj

Marinko Andrić oslobođen optužbe

Sudsko vijeće Kantonalnog suda u Novom Travniku nepravomoćnom presudom oslobodilo je Marinka Andrića zvanog Bilac optužbi za ubistvo Tone Kutleše 17. februara prošle godine na platou ispred ugostiteljskog objekta „Dani“ u travničkom naselju Nova Bila.

U pucnjavi Tone Kutleša je smrtno stradao, dok je Marinko Andrić ranjen u glav i stomak. Prilikom ovog obračuna optuženi An-

drić ispalio je osam metaka u pravcu Kutleše, od kojih ga je pet pogodilo. S druge strane, ubijeni Kutleša ispalio je devet metaka u pravcu Andrića, od kojih su ga dva pogodila i nanijela mu lakše tjelesne povrede.

Nakon izvođenja dokaza tokom glavnog pretresa Sudsko vijeće Kantonalnog suda u Novom Travniku zaključilo je da je Marinko Andrić postupao u nužnoj odbrani, zbog čega je donesena oslobađajuća presuda.

K.K.

NAKON KRVAVOG OBRAČUNA u Novoj Biloj

Vlasnik motela ‘Dani’ oslobođen za ubojstvo jer je pucao u obrani

UBIJENI

Tone Kutleša sat
prije razgovarao
s novinarom
Večernjeg lista

R.Soldo

bih@vecernji.net

Nakon više od godinu dana od revolveraškog obračuna ispred motela ‘Dani’ u Novoj Biloj, kada je smrtno stradao Tone Kutleša iz Novog Travnika, nepravomoćno je oslobođen Marinko Andrić zvani Bilac iz Nove Bile, inače vlasnik motela, koji je tom prilikom bio ranjen, potvrđeno je jučer iz Županijskog suda, gdje navode da se radilo o nužnoj obrani.

Poziv novinaru

Sve je krenulo, kako su kružile priče, od paljevine po-



Ubijeni Tone Kutleša, vlasnik kafića Code

“Rodak, imam za tebe pravu vijest, bit će to ‘bomba’. Sve ću razotkriti!”

znatog kafića Code, što se dogodilo dvije noći ranije, 16. veljače prošle godine, a čiji je vlasnik bio pokojni Tone. Kafić Code je pret hodno izrafan, i to od maskiranog muškarca dok je u njemu bilo gostiju, a onda i potpaljen, najvjerovatnije,

zapaljivim bombama.

Jutro kasnije, nakon što je u Večernjaku osvanula fotovijest o bombaškom napadu, Tone Kutleša je pozvao našeg novinara Srečka Stipovića.

- Rodak, imam za tebe pravu vijest, bit će to ‘bomba’. Sve ću razotkriti! Ne mogu ti to telefonom reći nego dođi u moj kafić pa ćemo razgovarati - rekao je Kutleša. Nakon sat vremena, kada je novinar krenuo za Novi Travnik, već u Novoj Biloj je vidio policiju i žute trake ispred motela ‘Dani’, ali je žurio na dogovoreni sastanak. Već na obližnjoj krivini, zvao je Kutlešu, no mobilna postaja odgovara da je nedostupan. U mjestu Stojkovići ponavlja poziv, no opet dobivam isti odgovor - pretplatnik je nedostupan.

Obračun kod motela

Dolazi u Novi Travnik i ulazi u kafić Code. Jedan mladić plave kose i jedan stariji majstor pitaju ga što treba. Kaže, ima dogovoren sastanak s Tonom, a ovaj stariji majstor odgovara kako je jutros čuo da će doći jedan novinar.

Plavokosi mladić moli da ne fotografira ništa jer imaju vijest da je Tone poginuo u obračunu kod motela ‘Dani’.

- Oko 10 sati i 20 minuta došlo je do upotrebe vatrenog oružja ispred objekta ‘Dani’ u Novoj Biloj, u kojem je poginuo Tone - ponavljao mu je mladić jer ga je novinar i dalje u nevjerici promatrao.

Novi Travnik

Godina zatvora zbog seksualnog odnosa s 13-godišnjakinjom

▪ Vijeće Županijskog suda u Novom Travniku, nakon razmatranja sporazuma o priznanju krivnje, izreklo je zatvorsku kaznu u trajanju od jedne godine dvadesetpetogodišnjem A. M., optuženom za spolni odnos s djetetom. Prema informacijama iz medija, A. M. je imao spolni odnos s djevojčicom tijekom 2011. godine u napuštenoj kući na lokaciji Šarića brdo u Travniku. I A.M. i djevojčica su osobe romske nacionalnosti, a nakon spolnog odnosa koji se dogodio tijekom 2011. godine maloljetnica je zatrudnjela i rodila dijete. Ovaj slučaj je travničkoj policiji u travnju 2011. godine prijavila majka djevojčice kao silovanje, a nakon provedene istrage Županijsko tužiteljstvo Travnik je A. M. teretilo za spolni odnos, što je on i priznao. U vrijeme kada je prijavljen ovaj slučaj mladić je imao 23, a djevojčica 13 godina. Kako doznajemo, majka djevojčice nije zadovoljna ovakvom odlukom s obzirom da je vrlo lako moguće da će počinitelj ovoga djela, kada izide na slobodu ponoviti svoj čin. Olakotna okolnost za počinitelja vjerojatno je bila činjenica da je priznao ovo nedjelo.

TUŽILAŠTVO BiH Organizirana prostitucija u Busovači

Za vlasnika noćnog bara “As” predložen pritvor

Postoji opasnost da bi Aldin Zatagić (28) mogao ponovo izvršiti isto krivično djelo
● U ovom objektu prošle godine ubijena Milena Jovičić

Tužilaštvo BiH uputilo je Sudu BiH prijedlog za određivanje pritvora Aldinu Zatagiću (28), vlasniku noćnog bara “As” u Busovači, koji se dovodi u vezu s trgovinom ljudima i međunarodnim vrbovanjem radi prostitucije.

Prikrivanje dokaza

Pritvor je predložen zbog opasnosti da bi osumnjičeni boravkom na slobodi mogao prikriti dokaze, utjecati na svjedoke ili saučesnike radi onemogućavanja prikupljanja dokaza i provođenja istrage. Postoji, također, opasnost da bi osumnjičeni, ukoliko bi se našao na slobodi, mogao ponovo izvršiti isto ili dovršiti započeto krivično djelo.

Tokom istrage, kako je saopćeno iz SIPA-e, identificirano je osam potencijalnih žrtava trgovine ljudima, od kojih je jedna ženska osoba maloljetna.



Jovičić: Ubijena u baru



Noćni bar “As”: U sobama podvodili djevojke

Pretresom bara “As” te tri stambena objekta, koji se također nalaze na području Busovače, pronađeno je i oduzeto šest mobilnih telefona sa SIM karticama, 12 SIM kartica različitih mobilnih operatera, razni dokumenti koji se odnose na poslovanje ugostiteljskog objekta “As”.

Zakazano ročište

Isti objekt našao se u centru pažnje u septembru prošle godine kada je u njemu ubijena Milena Jovičić (21). Kantonalni sud u Novom Travniku potvrdio je optužnicu protiv Marija Čosića, koji se tereti za ubistvo 21-godišnjakinje. Za narednu sedmicu zakazano je iz-

Uništio tragove zločina

Istom optužnicom protiv Čosića obuhvaćen je i Josip Vareškić, kojem se na teret stavlja prikrivanje tragova nakon počinjenog ubistva. On je izbrisao tragove krvi u sobi u kojoj je djevojka boravila s Marijom te iz objekta odmah udaljio prisutne goste kao i četiri

djevojke koje su, prema dogovoru, doputovale iz Srbije, kako bi se zaposlile u navedenom ugostiteljskom objektu kao animirane dame.

Vareškić je potom sakrio čahuru od ispaljenog metka, zaključao objekta i pristojno bacio pored magistralnog puta M-5.

jašnjenje o krivici u ovom predmetu, potvrđeno nam je iz Kantonalnog suda u Novom Travniku.

Prema navodima iz optužnice, u sobi koju je u noćnom baru “As” koristio zajedno s Milanom Jovičićem, nakon verbalnog suko-

ba, Mario Čosić ispalio je jedan metak usmrivši djevojku.

Čosić se nalazi u pritvoru, koji mu je, prema odluci Kantonalnog suda Novi Travnik, produžen do 12. aprila ove godine.

Am. K. - K. K.

“Večernji list”, 28.02.2013.g

Novi Travnik

Presude dilerima za proizvodnju i stavljanje droge u promet

▪ Županijski sud u Novom Travniku nepravomoćno je osudio Nermina Hasanovića na zatvorsku kaznu u trajanju od četiri i pol godine, dok je Renata Lukića oslobodio optužnice za proizvodnju i stavljanje u promet opojnih droga. - Moj klijent oslobođen je optužbe jer dokazi koje je izvelo Tužiteljstvo nisu bili dovoljni da Sud utvrdi krivicu za kazneno djelo koje mu je stavljeno na teret - potvrdio je Adis Ribić, branitelj Renata Lukića, jedinog oslobođenog u procesu koji se vodio pred Županijskim sudom u Novom Travniku protiv 12 osoba koje su uhićene u akciji FUP-a. Prije završetka suđenja, sporazume o priznanju krivice sa Županijskim tužiteljstvom Travnik sklopilo je deset optuženih kojima su izrečene kazne pa je Fikret Kunić osuđen na kaznu zatvora u trajanju od tri i pol godine, Zdenko Maroš na dvije i pol godine, Mirnes Delić na godinu i osam mjeseci, a Asad Karić na godinu i pol zatvora. Na jednogodišnje zatvorske kazne osuđeni su Darinko Glavočević, Željko Poljanica i Tomislav Kolar. Riječ je o članovima dvije organizirane skupine dilera.

“Dnevni avaz”, 28.02.2013.g

Presuda Kantonalnog suda Novi Travnik

Godina zatvora za spolni odnos s djevojčicom

Maloljetnica romske nacionalnosti rodila dijete

Vijeće Kantonalnog suda u Novom Travniku, nakon razmatranja sporazuma o priznanju krivice, izreklo je zatvorsku kaznu u trajanju od jedne godine A. M. (25), optuženom za spolni odnos s djetetom. Kako saznajemo, A. M. je imao spolni odnos s djevojčicom tokom 2011. godine u napuštenoj kući na lokalitetu Šarića brdo u Travniku. I A. M. i djevojčica su osobe romske nacionalnosti, a nakon spolaog odnosa u dva navrata tokom 2011. godine maloljetnica je zatrudnjela i rodila dijete.

Ovaj slučaj travničkoj policiji u aprilu 2011. godine prijavila je majka djevojčice kao silovanje, a nakon provedene istrage Kantonalno tužilaštvo Travnik je A. M. teretilo za spolni odnos, što je on priznao.

U vrijeme kada je prijavljen ovaj slučaj, mladić je imao 23, a djevojčica 13 godina.

K.K.

Sud prihvatio sporazum o priznanju krivice



NOVI TRAVNIK Presude članovima grupe optužene za dilanje droge

Hasanoviću četiri i po godine zatvora, Lukić oslobođen

Desetero optuženih priznalo krivicu i sklopilo sporazume s Tužilaštvom u Travniku

● Jedini oslobođen Renato Lukić, dok je Nermin Hasanoviću dobio najvišu kaznu

Kantonalni sud u Novom Travniku nepravosnažno je osudio Nermina Hasanovića na zatvorsku kaznu u trajanju od četiri i po godine, dok je Renata Lukića oslobodio optužnice za proizvodnju i stavljanje u promet opojnih droga.

Nedostatak dokaza

- Moj klijent oslobođen je optužbe jer dokazi koje je izvelo Tužilaštvo nisu bili dovoljni da Sud utvrdi krivicu za krivično djelo koje mu je stavljeno na teret - potvrdio nam je Adis Ribić, branilac Renata Lukića, jedinog oslobođenog u procesu koji se vodio pred Kantonalnim sudom u Novom Travniku protiv 12 osoba koje su uhapšene u akciji FUP-a, Detašman Travnik, u januaru prošle godine.

Prije završetka suđenja sporazume o priznanju krivice s Kantonalnim tuži-



U akciji FUP-a u januaru prošle godine uhapšeno 12 osoba

laštvom Travnik sklopilo je deset optuženih kojima su izrečene kazne pa je Fikret

Kunić osuđen na kaznu zatvora u trajanju od tri i po godine, Zdenko Maroš na dvije i po godine, Mirnes Delić na godinu i osam mjeseci, a Asad Karić na godinu i po zatvora.

Dvije grupe

Na jednogodišnje zatvorske kazne osuđeni su Darinko Glavočević, Željko Poljanica i Tomislav Kolar. Na uvjetne kazne zatvora osuđeni su Melisa Mahmutović, Nikša Halilović i Stanislav Škunca. Škunca, Mahmutović i Halilović neće izdržavati zatvorsku kaznu ukoliko za godinu i po, od-

nosno godinu, ne počinu novo krivično djelo.

Riječ je o članovima dvije organizirane grupe iz Novog Travnika, Travnika, Bugojna, Sarajeva i Vareša. Prema optužnici Kantonalnog tužilaštva Travnik, članovi ove dvije grupe prodavali su heroin kontinuirano većem broju osoba. Osim toga, vršili su kupovinu, transport i prepakiranje i stavljanje u promet droge na području Federacije BiH, a posebno u Travniku, Novom Travniku, Bugojnu, Gornjem Vakufu/Uskoplju, Zenici, Livnu, Vitezu i Prozoru.

K. K.



Akcijom presječen lanac rasturanja narkotika u SBK

“Dnevni avaz”, 21.02.2013.g

Sklopili sporazume o priznaju krivice

Sud u Novom Travniku izrekao zatvorske kazne trojici dilera



Kantonalni sud u Novom Travniku nakon razmatranja sporazuma o priznanju krivice izrekao je zatvorske kazne za Zdenka Maroša u trajanju od dvije i po godine, Mirnesa Delića u trajanju od godinu i osam mjeseci, te za Darinka Glavočevića godinu dana. Ova trojka uhapšena je u akciji Federalne uprave policije, Detašman Travnik u januaru prošle godine zajedno sa još devet osoba.

Kantonalno tužilaštvo Travnik teretilo ih je za krivično djelo neovlaštene proizvodnje i stavljanja u promet opojnih droga.

Kantonalni sud u Novom Travniku sutra bi trebao razmatrati sporazume o priznanju krivice za Melisu Mahmutović, Asada Karića, Nikšu Halilovića i Stanislava Škuncu koji su uhapšeni u istoj akciji, potvrđeno nam je iz Kantonalnog suda u Novm Travniku.

Ranije su sporazume sklopili Fikret Kunić koji je osuđen na kaznu zatvora u trajanju od tri i po godine, dok su Željko Poljanica i Tomislav Kolar osuđeni na jednogodišnje zatvorske kazne. Optuženim Nerminu Hasanoviću i Renatu Lukiću suđenje bi trebalo biti završeno početkom naredne sedmice.



Uspostava odjela za podršku svjedocima

Predstavnici Ministarstva pravosuđa i uprave Srednjobosanskog kantona, Kantonalnog suda u Novom Travniku i Kantonalnog tužilaštva SBK-a te Razvojnog programa UN-a (UNDP) potpisali su jučer u Travniku memorandum o razumijevanju za uspostavu odjela za podršku svjedocima pri Kantonalnom sudu u Novom Travniku i Kantonalnom tužilaštvu SBK-a, javlja Fena. - Potpisivanjem ovog memoranduma ozvaničili smo partnerski odnos sa Vladom SBK-a, Sudom i Tužilaštvom, kao i Visokog sudskog i tužilačkog vijeća BiH na uspostavi mehanizma za pružanje jednakog nivoa podrške i zaštite svjedocima/žrtvama u krivičnim predmetima, kazala je za Fenu voditelj ovog projekta u UNDP-u Elma Prčić - Bilić.

“Dnevni avaz”, 07.02.2013.g

TRAVNIK Projekt u Kantonalnom sudu i Tužilaštvu

Uspostava Odjela za podršku svjedocima

Implementator UNDP, a finansijer Vlada Sjedinjenih Američkih Država

U Travniku je jučer potpisan Memorandum o razumijevanju za uspostavljanje Odjela za podršku svjedocima pri Kantonalnom sudu u Novom Travniku i Kantonalnom tužilaštvu u Travniku.

Memorandum su potpisali Zoran Luković, ministar pravosuđa i uprave SBK, Katica Jozak-Madar, predsjednica Kantonalnog suda Sonja Hodžić, zamjenica glavnog tužioca i Tomas (Thomas) Osorio, savjetnik za vladavinu prava u Uredu rezidentnog koordinатора UN-a u BiH.

Prepoznali važnost

Projekt “Izgradnja kapaciteta kantonalnih i okružnih tužilaštava i sudova u BiH za procesuiranje ratnih zločina” realizira Razvojni program Ujedinjenih nacija (UNDP) u saradnji s Visokim sudskim i tužilačkim vijećem BiH, a uz finansijsku podršku Vla-



S potpisivanja Memoranduma o razumijevanju

de Sjedinjenih Američkih Država.

Potpisujući Memorandum, Luković je kazao da je Vlada SBK prepoznala važnost ovog projekta te je planirala povećanje broja zaposlenih i odgovarajuću ma-

terijalno-tehničku podršku.

- Mi već dvije godine provodimo aktivnosti i u finalu smo. Potpisivanjem ovog Memoranduma ide se na konkretne aktivnosti, a to je izgradnja adekvatnog prostora za Ured koordinatora za podršku svjedocima. Tu će raditi stručna osoba za pružanje psihološke, tehničke i drugih vidova podrške svjedocima. Bit će izgrađen prostor za svjedoke da bi za vrijeme suđenja bili tretirani na dostojanstven način - istakla je Jozak-Madar.

Projekt uspostavljanja Odjela za podršku svjedoci-

ma od izuzetnog je značaja i za Kantonalno tužilaštvo u Travniku.

Značajan pristup

- U samom postupku koji provodimo izuzetno je značajan pristup i prisustvo svjedoka i njegov iskaz. Pored materijalnih dokaza, svjedoci su ti na osnovu čijih iskaza mi svoje odluke donosimo. Ovim Memorandumom bit će omogućeno da se i položaj svjedoka humanizira i da im se pruži psihološka, fizička, socijalna i ekonomska pomoć - kazala je tužiteljica Hodžić. **K.KAVAZOVIĆ**

Jednak nivo zaštite

Ranije su odjeli za podršku svjedocima bili otvoreni pri kantonalnim i okruženim sudovima i tužilaštvima u Sarajevu, Banjoj Luci i Istočnom Sarajevu.


Sada je pružanje jednakog nivoa podrške i zaštite svjedoka u krivičnim i predmetima ratnih zločina prošireno i na kantonalne sudove i tužilaštva u SBK i USK.

“Dnevni avaz”, 06.01.2013.g

TRAVNIK Na prijedlog Kantonalnog tužilaštva

Osumnjičenom za silovanje sestre određen pritvor

Uhapšeni S. P. (24) iz Travnika sestru N. P. (18) silovao u više navrata



Sutkinja za prethodni postupak Kantonalnog suda u Novom Travniku, na prijedlog Kantonalnog tužilaštva Travnika, odredila je jednomjesečni pritvor za S. P. (24) iz Travnika, osumnjičenog da je silovao sestru N. P. (18).

Ovu informaciju potvrdila nam je Rubina Begović, portparol Kantonalnog suda u Novom Travniku, te dodala da je 24-godišnjak osumnjičen da je počinio – krivična djela silovanje i rodoskrvrnuće.

Osumnjičeni je uhapšen 3. januara nakon što je policiji slučaj prijavila doktorica kod koje je djevojka otišla na pregled.

Naime, kada je N. P. (18) saopćeno da je trudna, djevojka se povjerila doktorici i kazala da ju je brat silovao u više navrata. **K.K.**

“Dnevni avaz”, 08.01.2013.g

Rasvijetljeno razbojništvo u Gornjem Vakufu

Pljačkašima trgovine određen pritvor

Sutkinja za prethodni postupak Kantonalnog suda u Novom Travniku odredila je jednomjesečni pritvor za Hrustana B. (46) i Hamdiju B. (19), oba iz Novog Travnika, zbog sumnje da su počinili krivično djelo razbojništva i nedozvoljenog držanja oružja i eksplozivnih materija.

Oni se sumnjiče da su 2. januara u mjestu Bistrica kod Gornjeg Vakufa zajedno, naoružani automatskom puškom i ručnom bombom, izvršili razbojništvo nad vlasnikom trgovačke radnje - potvrdila nam je Edina Jaganjac, portparol Kantonalnog tužilaštva u Travniku. Policiji u Gor-

njem Vakufu 2. januara ove godine oko 18.30 sati prijavljeno je da su dvije maskirane i naoružane osobe, prijeteci oružjem, izvršile razbojništvo nad vlasnikom trgovačke radnje “Emina”, koja se nalazi u mjestu Bistrica, i tom prilikom iz kase ukrade veću količinu novca. Osumnjičeni su

tokom vikenda uhapšeni i nakon izvršene kriminalističke obrade predati su u nadležnost Kantonalnog tužilaštva u Travniku koje je predložilo mjeru pritvora. Kantonalni sud u Novom Travniku donio je rješenje o određivanju jednomjesečnog pritvora. **K.K.**

Media monitoring 2009

Media monitoring 2008